



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU NOVE GRAĐANSKE INICIJATIVE-KOZARAC

Broj: 03-07-6-1493/09
Sarajevo, 02. marta 2009. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Nove građanske inicijative-Kozarac i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Na osnovu obavljenog pregleda godišnjeg finansijskog izvještaja utvrđeno je da je Nova građanska inicijativa-Kozarac prekršila odredbu člana 6. Zakona o finansiranju političkih stranaka.**
- 2. Stranka je prekršila odredbe člana 11. stav (1) i (3) Zakona o finansiranju političkih stranaka.**

Na osnovu našeg pregleda, odnosno kontrole finansijskog izvještaja, osim gornjih napomena pod 1. i 2., nismo zapazili ništa značajno što bi ukazalo na nedostatke u finansijskom izvještaju ili finansiranju ove političke stranke suprotno odredbama Zakona o finansiranju političkih stranaka i člana 15.10 Izbornog zakona BiH.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled finansijskih izvještaja Nove građanske inicijative-Kozarac i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka je iskazala prihode u iznosu od 7.156,00 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u Uk.prih. %
1	Članarina	1.955,00	27,32%
2	Prilozi fizičkih lica	4.063,00	56,78%
3	Prilozi pravnih lica	500,00	6,99%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	638,00	8,92%
	Ostali prihodi	0,00	0,00%
	Ukupni prihodi:	7.156,00	100,00%

U godišnjem finansijskom izvještaju Nova građanska inicijativa-Kozarac je iskazala ukupne rashode u iznosu 8.207,00 KM.

2. PREDSTAVLJANJE POLITIČKE STRANKE

Naziv političke stranke: Nova građanska inicijativa-Kozarac. Skraćeni naziv: NGI-Kozarac.

Politička stranka je registrovana 07.03.2008. godine u Osnovnom sudu u Banjaluci, broj upisa Rp-1/08.

Sjedište političke stranke je u Kozarcu, ul. Maršala Tita bb.

Lice ovlašteno za zastupanje stranke je Nihad Forić, predsjednik.

Lice ovlašteno za podnošenje finansijskih izvještaja za 2008. godinu je Alma Kecman.

Prema podacima iz finansijskog izvještaja Nova građanska inicijativa-Kozarac nema organizacione dijelove nižeg nivoa (entitetske, kantonalne, opštinske).

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Nove građanske inicijative-Kozarac za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

Obim pregleda i kontrole finansijskih izvještaja Nove građanske inicijative-Kozarac obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih lica, prihode od članarine i troškove predizborne kampanje.

4. PRETHODNE KONTROLE I REVIZIJE

Pregled i kontrola finansijskih izvještaja se obavlja prvi put.

5. NALAZI I PREPORUKE

5.1. NALAZI

- a) **Na osnovu obavljenog pregleda godišnjeg finansijskog izvještaja utvrđeno je da je Nova građanska inicijativa-Kozarac prekršila odredbu člana 6. Zakona o finansiranju političkih stranaka.¹**

Pregledom je utvrđeno da je Nova građanska inicijativa-Kozarac dana 06.02.2008. godine sklopila Ugovor o najmu poslovnih prostorija sa fizičkim licem u kojem je navedeno da je ugovorena najamnina iznosi 200,00 KM mjesečno, odnosno 2.200,00 KM za period 06.02.-31.12.2008. godine, i da je fizičko lice doniralo ukupan iznos najamnine za 2008. godinu stranci. Uvidom u obrazac 3-e (nenovčane donacije i računi koje stranka nije imala obavezu da plati), utvrđeno je da stranka nije iskazala nenovčanu donaciju fizičkog lica u vidu besplatnog korištenje poslovnog prostora, čime je prekršena odredba člana 6. Zakona o finansiranju političkih stranaka.

¹ Članom 6. Zakona o finansiranju političkih stranaka propisana je obaveza prijavljivanja svakog priloga pravnog i fizičkog lica čiji iznos premašuje 100 KM.

b) Nova građanska inicijativa-Kozarac je prekršila odredbe člana 11. stav (1) i (3) Zakona o finansiranju političkih stranaka.

- Uvidom u analitičke kartice konta NGI-Kozarac, utvrđeno je da stranka nije vodila adekvatne evidencije o svojim prihodima i rashodima, tj. nije u poslovnim knjigama evidentirala troškove zakupnine i prihode po osnovu nenovčane donacije, čime je postupila suprotno odredbama člana 11. stav (1) Zakona o finansiranju političkih stranaka.

Služba za reviziju je, takođe, utvrdila da je Nova građanska inicijativa-Kozarac putem blagajne primila donacije fizičkih lica iz inostranstva u ukupnom iznosu od 778,30 KM. Stranka je priloge ovih lica iskazala u poslovnim knjigama i u godišnjem finansijskom izvještaju za 2008. godinu. Međutim, NGI-Kozarac u svom knjigovodstvu nema analitičke evidencije o fizičkim licima niti o iznosima novca koje su ta lica darovala stranci, što nije u skladu sa članom 11. stav (1) Zakona o finansiranju političkih stranaka.

- Nova građanska inicijativa-Kozarac nije popunila obrasce godišnjeg finansijskog izvještaja za 2008. godinu u skladu sa Pravilnikom o godišnjim finansijskim izvještajima političkih stranaka, što nije u skladu sa odredbom člana 11. stav (3)² Zakona o finansiranju političkih stranaka.
 - Kontrolom je utvrđeno da Nova građanska inicijativa-Kozarac nije u godišnjem finansijskom izvještaju iskazala troškove zakupnine za poslovne prostorije koje koristi za svoj rad, u ukupnom iznosu od 2.200,00 KM. Naime, prema Ugovoru o najmu poslovnih prostorija koje je NGI-Kozarac sklopila sa fizičkim licem mjesečna zakupnina iznosi 200,00 KM, odnosno 2.200,00 za period 06.02.-31.12.2008. godine. Neiskazivanjem troškova zakupa u obrascu 4-1, odnosno obrascu ukupnih rashoda, stranka je prekršila odredbe člana 20. i 21. Pravilnika o godišnjim finansijskim izvještajima političkih stranaka.
 - Stranka nije iskazala nenovčane donacije u vidu besplatnog korištenja poslovnih prostorija u obrascu 3-e godišnjeg finansijskog izvještaja, čime je prekršila odredbu člana 18. Pravilnika o godišnjim finansijskim izvještajima političkih stranaka.

Troškovi predizborne kampanje

Nova građanska inicijativa-Kozarac je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 1.725,00 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Nova građanska inicijativa-Kozarac je u svrhu izborne kampanje mogla da potroši 22.712,70 KM.

² Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH, a čiji je sadržaj i forma propisan Pravilnikom o godišnjim finansijskim izvještajima političkih stranaka.

³ Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feniga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feniga za izbore za članove kantonalnih skupština.

5.2. PREPORUKE

Preporučuje se Novoj građanskoj inicijativi-Kozarac da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 6. i člana 11. stav (1) i (3) Zakona o finansiranju političkih stranaka, odnosno*
 - *da priloge pravnih lica koji iznose više od 100 KM iskazuje u godišnjem finansijskom izvještaju,*
 - *da vodi evidencije o svojim prihodima i rashodima, i*
 - *da finansijske izvještaje koje podnosi Centralnoj izbornoj komisiji BiH sačinjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

U ostavljenom roku, Nova građanska inicijativa-Kozarac nije se očitovala na nalaze i mišljenje revizora dato u Preliminarnom izvještaju o pregledu godišnjeg finansijskog izvještaja za 2008. godinu.

Mr. Hasida Gušić, šef Službe za reviziju

Sanja Čabrilo, revizor